



Sr./Sra. alcalde/sa do Concello de Campo Lameiro

EXPEDIENTE:	Orde do 19 de decembro de 2019 pola que se establecen os criterios de repartición e se establecen as bases reguladoras e a convocatoria de subvencións da liña en concorrencia non competitiva e da liña en concorrencia competitiva do Fondo de Compensación Ambiental para o ano 2020, de forma individual e mediante o sistema de xestión compartida, destinadas a entidades locais de Galicia (DOG núm. 11, do 17 de xaneiro). Liña en concorrencia competitiva (3.1.b)
ASUNTO:	Notificación de resolución de concesión

Mediante resolución do 22 de xuño de 2020, a secretaria xeral técnica, por suplencia da persoa titular da Dirección Xeral de Administración Local (D.A. segunda do Decreto 74/2018, do 5 de xullo, polo que se establece a estrutura orgánica da Vicepresidencia e Consellería de Presidencia, AAPP e Xustiza. DOG núm. 141, do 5 de xullo), consonte o previsto na disposición derradeira primeira da orde do 19.12.2019 pola que o vicepresidente e conselleiro delega na persoa titular da Dirección Xeral de Administración Local a competencia para resolver os procedementos de subvención que se inicien en virtude da devandita orde, resolveu **concederlle** a esa entidade unha **subvención** por importe total de **31.996,64 €**, para o proxecto denominado "**Saneamento en Rozas**", dentro da liña de subvencións contemplada no artigo 3.1.b), **subvencións de natureza competitiva**, segundo o detalle que se indica a continuación:

ORZAMENTO TOTAL:	39.995,80 €
- Orzamento gastos de funcionamento:	€
- Orzamento investimentos:	39.995,80 €
IMPORTE TOTAL SUBVENCIÓN:	31.996,64 €
- Importe subvención para gastos de funcionamento:	0,00 €
- Importe subvención para investimentos:	31.996,64 €

Con carácter xeral, e sen prexuízo do cumprimento das normas contidas na convocatoria e demais normativa de aplicación, a entidade beneficiaria deberá ter en conta o seguinte:

- **ACEPTACIÓN:** Segundo prevé o artigo 27.1 da orde de convocatoria, a entidade beneficiaria disporá dun prazo **dez días**, contados a partir do día seguinte á recepción desta notificación, para comunicar **a aceptación da subvención e das condicións contidas nela** ou ben comunicar **renuncia á subvención concedida**. Para tal fin pode utilizarse o modelo de aceptación que se xunta como anexo a esta notificación que deberá presentar asinado electronicamente pola persoa representante da entidade beneficiaria, na sede electrónica da Xunta de Galicia dentro do procedemento PR483C.

Unha vez aceptada a subvención, a entidade beneficiaria queda **obligada** a destinar os fondos percibidos ao obxecto concreto para o que foron concedidos e a **realizar as actuacións subvencionadas**. A Dirección Xeral de Administración Local poderá comprobar, cando o considere conveniente, o cumprimento da finalidade da axuda.

De non telo achegado xunto coa solicitude, as **agrupacións ou asociacións de concellos** deberán remitir, no prazo dun mes contado desde a notificación de concesión, o **convenio de colaboración** suscrito entre as partes, cos requisitos e contido obrigatorio establecidos no artigo 12.





- **OBRIGAS DOS BENEFICIARIOS:** As obrigas xerais dos beneficiarios das subvencións concedidas ao abeiro da Orde do 19 de decembro de 2019 están recollidas no artigo 28 da orde, sen prexuízo da obriga do cumprimento da restante normativa de aplicación, nomeadamente en materia de subvencións.

Entre as citadas obrigas atópase a de destinar os bens ao fin concreto para o que se concede esta subvención durante un período mínimo de cinco anos, procedendo ao reintegro das cantidades percibidas no caso de incumprimento desta obriga. A axuda só será definitiva se non sofre antes transcorridos cinco anos do seu remate unha modificación que afecte á natureza do investimento.

- **XUSTIFICACIÓN: O prazo para a realización e xustificación das actuacións subvencionadas remata o 31 de outubro de 2020**, sen que exista a posibilidade de efectuar pagamentos anticipados e aboamentos a conta. Os concellos beneficiarios deben presentar antes da finalización do prazo referido a documentación xustificativa recollida nos artigos 32 e/ou 33 das bases reguladoras.

A xustificación ante o órgano concedente do cumprimento da finalidade da subvención, a realización da actividade que fundamentou a súa concesión e o seu custo real é unha **obriga da entidade beneficiaria**, recollida expresamente no artigo 28 da Orde e está en relación co artigo 11 da Lei 9/2007, do 13 de xuño, de subvencións de Galicia.

Cando deban xustificarse gastos de **investimentos** e de **custos de funcionamento** dos servizos dedicados á protección do ambiente e o espazo natural, a **conta xustificativa realizarase de forma separada**, presentando unha conta para os gastos de investimento e outra para xustificar os gastos de funcionamento, tal e como esixe o artigo 31.3 da Orde.

A falta de presentación da xustificación no prazo indicado comportará a **perda do dereito ao cobramento da subvención** e demais responsabilidades establecidas na Lei de Subvencións de Galicia, sen prexuízo do previsto no artigo 45 do Decreto 11/2009, do 8 de xaneiro, polo que se aproba o regulamento da devandita lei.

O concello beneficiario deberá ter en conta o previsto no **artigo 18** da orde do 19.12.2019 respecto da **redución do importe da subvención** e do **concepto de execución deficiente**:

2. (...)Na liña en concorrencia competitiva, no caso de que a execución do proxecto subvencionado teña un custo inferior ao inicialmente previsto, o pagamento da subvención realizarase de acordo co custo real do proxecto executado e xustificado sobre o cal se aplicará a porcentaxe de financiamento establecida na resolución de concesión, ata o límite do importe concedido.
3. En ningún caso o menor custo de execución do proxecto subvencionado pode supor unha execución deficiente do proxecto e a entidade beneficiaria da subvención debe cumprir as condicións da concesión e a finalidade ou obxectivos para os cales se concedeu a axuda.

Sen prexuízo doutros supostos, **considerarase execución deficiente a xustificación de conceptos e elementos que representen menos do 60% do orzamento dalgunha das actuacións subvencionables**, o cal constituirá causa de perda do dereito ao cobramento total ou parcial da subvención, segundo corresponda. Exceptúase aquel suposto en que a redución do custo da actuación derive unicamente dunha baixa no prezo de adxudicación do contrato.

Para os efectos do previsto no parágrafo anterior consideraranse por separado aquelas actuacións que integran o proxecto subvencionado susceptibles de consideración individualizada e, en todo caso, a subvención para gastos de funcionamento e a subvención para investimentos.

- **PUBLICIDADE:** No caso de subvención para **obras cun orzamento superior a 20.000 euros**, a entidade beneficiaria deberá dar **publicidade da actuación** mediante a colocación dun cartel anunciador en que conste expresamente o financiamento da Xunta de Galicia con cargo ao Fondo de Compensación Ambiental, segundo o **modelo do anexo X** das bases reguladoras e de acordo coa imaxe corporativa oficial da Xunta de Galicia.





Se a subvención comprende varios proxectos de obra, a obriga de publicidade entenderase referida a cada un dos proxectos que superen o importe indicado no número anterior.

No suposto da adquisición de **vehículos**, a entidade beneficiaria deberá incluír na **rotulación** daqueles o logotipo da Xunta de Galicia, de acordo coa imaxe corporativa oficial, e o lema «*Fondo de Compensación Ambiental*», facendo constar expresamente o financiamento da Xunta de Galicia, con cargo ao Fondo de Compensación Ambiental, sen prexuízo de que o beneficiario incorpore o seu propio escudo e a indicación do servizo ao cal estará afectado o dito vehículo. Para isto, seguirase o **modelo establecido no anexo XI** das bases reguladoras.

O **incumprimento** das obrigas de publicidade constitúe causa de **perda do dereito ao cobramento da subvención** (artigos 30.3 e 35.1.b) da orde do 19.12.2019).

- **CONTRATACIÓN:** As entidades locais beneficiarias poderán concertar con terceiros a execución parcial ou total da actuación que constituía o obxecto da subvención, salvo que o impida a súa natureza. En ningún caso poderán subcontratarse actuacións que, aumentando o custo da actividade subvencionada, non acheguen valor engadido ao seu contido. Os contratistas quedarán obrigados soamente ante a entidade beneficiaria, que asumirá a total responsabilidade da execución da actividade subvencionada fronte á Administración concedente.

A tramitación da **contratación das obras, equipamentos ou servizos** será realizada polas entidades locais beneficiarias conforme a **normativa vixente en materia de contratación do sector público**, especificamente a que rexe as contratacións das entidades locais, e serán as entidades locais contratantes as responsables directas das consecuencias que dos incumprimentos poidan derivar.

Cando o importe do gasto subvencionable supere as contías establecidas para o contrato menor na Lei 9/2017, do 8 de novembro, de Contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014, as entidades beneficiarias deberán acreditar, xunto coa documentación xustificativa da subvención, a **publicación do anuncio da licitación do contrato** por calquera dos medios establecidos no artigo 347 da devandita lei.

Tamén deberán achegar a **resolución de adjudicación da obra e/ou equipamento**, na cal se xustifique que a elección entre as ofertas presentadas se realizou con base en criterios de adjudicación fundados na mellor relación-calidade prezo ou, nos supostos permitidos pola lei, nun único criterio de adjudicación relacionado cos custos.

- **EFFECTIVIDADE DOS PAGAMENTOS:** As entidades beneficiarias estarán obrigadas a acreditar documentalmentemente a efectividade dos pagamentos dos gastos correspondentes á execución das actuacións subvencionadas e relacionados na certificación de gastos presentada. Estes pagamentos deberán estar realizados no prazo máximo de sesenta días naturais contados a partir da data do ingreso na conta bancaria das beneficiarias de cada un dos aboamentos das subvencións concedidas.

A acreditación realizarase mediante **xustificante de transferencia bancaria** que estará debidamente identificada e selada pola entidade bancaria.

Naqueles casos en que o pagamento se realice mediante banca electrónica, o xustificante da transferencia bancaria deberá presentarse asinado electronicamente e selado pola entidade beneficiaria das subvencións.

A Dirección Xeral de Administración Local poderá solicitar calquera outra documentación necesaria para a correcta verificación da efectividade dos pagamentos realizados.

- **CONCORRENCIA DE AXUDAS E SUBVENCIÓNS PÚBLICAS.** Estas subvencións son compatibles coa percepción doutras subvencións, axudas, ingresos ou recursos para a mesma finalidade procedentes de calquera Administración ou entes públicos ou privados, estatais, da Unión Europea ou de organismos internacionais.





En ningún caso o importe do libramento da subvención, illadamente ou en concorrencia con outras subvencións, axudas, ingresos ou recursos, poderá superar o custo da actividade subvencionada.

- **PERDA DO DEREITO AO COBRAMENTO DA SUBVENCIÓN.** Sen prexuízo de calquera outra causa que derive da normativa aplicable á subvención, constitúen causas de perda do dereito ao cobramento total ou parcial da subvención as seguintes (artigo 35 da orde do 19.12.2019):
 - a) Non presentar toda a documentación xustificativa no tempo e na forma exixibles consonte o establecido nesta orde ou a súa presentación insuficiente ou incompleta con respecto aos termos exixidos polos artigos 31 a 33 desta orde.
 - b) Incumprimento das condicións establecidas para a concesión da subvención. Sen prexuízo doutros supostos, considéranse incumprimentos os seguintes:
 - 1. Non executar o proxecto completo que fundamentou a resolución de concesión. Para estes efectos, considerárase execución incompleta a xustificación de conceptos ou elementos que representen menos do 60 % do orzamento dalgunha das actuacións subvencionables, nos termos establecidos no artigo 18.3 destas bases reguladoras. Exceptúase aquel suposto en que a redución do custo do proxecto derive unicamente dunha baixa no prezo de adjudicación do contrato.
 - 2. Incumprimento das obrigas de publicidade establecidas nesta orde, particularmente a obriga de colocar cartel de obra e/ou rotulación do vehículo, e non achegar as fotografías que acrediten o cumprimento destas obrigas cos requisitos establecidos para a súa presentación nos artigos 30 e 32 da orde.
 - 3. Incumprimento da normativa de aplicación no ámbito local e, especificamente, a que rexe as contratacións das administracións públicas na tramitación e contratación das obras e/ou equipamentos que constitúen o obxecto da subvención,
 - 4. Non presentar o convenio de colaboración exixido polo artigo 12 nos prazos establecidos nestas bases reguladoras.
 - 5. Calquera outra causa que poña de manifesto que a entidade non reunía os requisitos para ser beneficiaria destas subvencións ou a alteración dos supostos que serviron de base para a avaliación das solicitudes.

Contra a resolución de concesión da subvención, que pon fin á vía administrativa, poderase interpoñer recurso potestativo de reposición perante o conselleiro de Presidencia, Administracións Públicas e Xustiza, no prazo dun mes contado a partir do día seguinte ao da notificación da presente resolución, de acordo co disposto nos artigos 123 e 124 da Lei 39/2015, do 1 de outubro, do procedemento administrativo común das administracións públicas, ou ben directamente recurso contencioso-administrativo ante o xulgado do contencioso-administrativo que corresponda no prazo de dous meses a contar desde o día seguinte ao da notificación desta resolución, de conformidade co establecido na Lei 29/1998, do 13 de xullo, reguladora da xurisdición contencioso-administrativa.

A subdirectora xeral de Administración Local

Raquel Bahillo Varela
(documento asinado dixitalmente na marxe)

